

E-MAILED
JUL 14 2009



COMUNICADO DI PRENSA

Fecha: 14 di juli 2009

No.: 04 - 2009

Oranjestad - Cinco medio di comunicacion a acudi na sede di Comision Bon Boluntad pa firma pa promer vez den historia di Aruba, e Convenio entre medio di comunicacion y Comision Bon Boluntad. Recientemente CBB a tuma iniciativa pa banda di e convenio electoral cu e partidonan politico, pa yega na un convenio di conducta cu prensa. Cu esaki un paso grandi a keda logra den creacion di un mihor entendimiento y colaboracion entre prensa y CBB, buscando asina pa contribui na un campaña electoral transparente y limpi, di cual henter comunidad por probecha. E convenio ta encera un codigo di conducta pa prensa, basa riba reglanan internacional stipula entre otro den e asina yama Acuerdo di Bordeaux (1954) di Federacion Internacional di Periodista (FIP), cual despues a haya algun modificacion den Asamblea di FIP na 1986. Esaki ta eCodigo di Etica di periodismo cu mas reconocimiento mundial.

E medionan cu a firma e convenio aki ta:
AweMainta, representa pa sr. Toko Winklaar;
Amigoe, representa pa sr. Willem Da Costa Gomez;
24Ora.com, representa pa sr. Mark Benson Denz;
Magic FM, representa pa sr. Tito Lacle;
ATV, representa pa sr. Giovanni Muller.

Comision Bon Boluntad ta den comunicacion cu varios medio di comunicacion y ta spera cu mas medio lo bay firma e convenio den e dianan venidero. Comision Bon Boluntad ta desea di expresa su gradicimiento na e medionan firmante, cu asina a duna prueba cu prensa di Aruba kier duna nan colaboracion na un campaña electoral ehemplar, confirmando nan compromiso pa yuda establece un periodismo di calidad, cu no ta solamente importante durante campaña electoral, sino henter aña, na tur momento.

Atentamente,
Na nomber di Comision Bon Boluntad,

Lydia Emerencia, Presidente

Secretariado di Comision di Bon Boluntad :

Tel. 582-1120 Ext. 34/41-Fax. 588-3200

E-mail secretariat@arubachamber.com

Website: www.arubachamber.com/ComisionBonBoluntad.htm